

六字诗句大全

1.
笋如滕薛争长，竹似夷齐独清。只爱锦绷满地，暗林忽两三茎。——杨万里《看笋六言》
2.
家住白云山北，路迷碧水桥东。短发潇潇暮雨，长襟落落秋风。——杜牧《山行》
3.
听月楼高太清，南山对户分明。昨夜姮娥现影，嫣然笑里传声。——王昌龄《望月》
4.
李白嶽崎历落，嵇康潦倒粗疏。生世当行所乐，巢山喜遂吾初。——陆游《感事六言》
5.
夹岸人家临镜，孤村灯火悬星。乔木千枝鹭下，深潭百尺龙吟。——岑参《村居》
6.
心事数径白发，生涯一片青山。空山有雪相待，野路无人自还。——李煜《开元乐》
7.
饮酒方桥夜月，钓鱼画舫秋风。冉冉荷香不断，悠悠水面无穷。——苏轼《答文与可以六言诗相示因道济南事作十首》

8.
螺甲割昆仑耳，香材屑鹧鸪斑。欲雨鸣鸠日永，下帷睡鸭春闲。——黄庭坚《有惠江南帐中香者戏答六言二首》

9.
舜井溢流陌上，历山近在城头。羁旅三年忘去，故园何日归休。——苏轼《答文与可以六言诗相示因道济南事作十首》

10.
青草池边草色，飞猿岭上猿声。万里湘江客到，有风有雨人行。——王建《江南》

11.
门对鹤溪流水，云连雁宕仙家。谁解幽人幽意，惯看山鸟山花。——李白《春景》

12.
青山自是绝色，无人谁与为容。说向市朝公子，何殊马耳东风。——苏轼《和何长官六言次韵五首》

13.
春暖群花半开，逍遥石上徘徊。独携玉律丹诀，闲踏青莎碧苔。古洞眠来九载，流霞饮几千杯。逢人莫话他事，笑指白云去来。——吕岩《六言》

14.
从来不似一物，妄欲贯穿九流。骨硬非黄阁相，眼青见白蘋洲。——黄庭坚《次韵石七三六言七首》

15.
万里草荒先垄，六年虫蠹群经。老喜宽恩放去，心似惊波不停。——黄庭坚《次韵石七三六言七首》

16.

风细飞花相逐，林深啼鸟移时。客至旋开新茗，僧归未拾残棋。——陆游《六言》

17.

山南结其蔽庐，林下返吾初服。宁为五斗折腰，何如一瓢满腹。——王维《自适》

18.

功名正恐不免，富贵酷非所须。铁马未平辽碣，钓船且醉江湖。——陆游《六言》

19.

山下孤烟远村，天边独树高原。一瓢颜回陋巷，五柳先生对门。——王维《幽居》

20.

冷暖旧雨今雨，是非一波万波。壁下禅枯达磨，室中病著维摩。——范成大《题请息斋六言》

21.

早岁已归南陌，暮年常在东篱。短衣幸能掩胫，长剑何须拄颐？——陆游《感事六言》

22.

覆却万方无准，安排一字有神。更能识诗家病，方是我眼中人。——黄庭坚《荆南签判向和卿用予六言见惠次韵奉酬四首》

23.

幽州已投斧柯，崇山更用忧何。且喜龚邹冠豸，又闻张董上坡。——黄庭坚《次韵石七三六言七首》

24.

鹤外竹声簌簌，座边松影疏疏。夜静不收棋局，日高犹卧纱厨。——文天祥《山中六言三首》

25.

香烟触帘不散，灯焰无风自摇。独倚蒲团寂寂，忽闻山雨萧萧。——陆游《六言》

26.

生涯一九节筇，老境五十六翁。不堪上补黼黻，但可归教儿童。——黄庭坚《次韵石七三六言七首》

27.

烟雨湖光软漾，空濛山色生奇。忆自段家桥水，流连不觉遄飞。——韦应物《烟雨》

28.

清风初号地籁，明月自写天容。贫家何以娱客？但知抹月批风。——苏轼《和何长官六言次韵五首》

29.

老忆夷门老将，当年许我忘年。博学似刘子政，清诗如孟浩然。——黄庭坚《和东坡送仲天贶王元直六言韵五首》

30.

觅句真成小技，知音定须绝弦。景公有马千驷，伯夷垂名万年。——黄庭坚《荆南签判向和卿用予六言见惠次韵奉酬四首》

31.

插秧已盖田面，疏苗犹逗水光。白鸥飞处极浦，黄犊归时夕阳。——杨万里《农家六言》

32.

未央宫里红杏，羯鼓三声打开。大庾岭头梅萼，管城呼上屏来。——陈与义《又六言》

33.

种竹可侔千户，拥书不假百城。何必思之烂熟，热官无用分明。——陈

与义《六言二首》

34.

两两渔舟摇下，双双紫燕飞回。流水白云芳草，清风明月苍苔。——文天祥《山中六言三首》

35.

从洛到许巍巍。曹公忧国无私。减去厨膳甘肥。羣僚率从祁祁。虽得俸禄常饥。念我苦寒心悲。——孔融《六言诗》

36.

园丁以时白事，山客终日相陪。竹比平安报到，花依次第折来。——范成大《题请息斋六言》

37.

满帽秋风入剡，半帆寒日游吴。问子行装何在，带间笑指葫芦。——陆游《六言》

38.

冻笔新诗懒写，寒炉美酒时温。醉看墨花月白，恍疑雪落前村。——李白《冬景》

本文链接：<https://duanjuziku.com/duanjuzi/7gdxwqti16.html>